



UNIVERSITÄTS-
BIBLIOTHEK
PADERBORN

**Princeps Christiano-Politicus Septem donis Spiritus sancti
instructus Anno M.DC.LVI.**

Faust, Reinhard

Herbipoli, 1667

Caput V. Timoris altera soboles, Justitia.

Nutzungsbedingungen

[urn:nbn:de:hbz:466:1-55326](https://nbn-resolving.org/urn:nbn:de:hbz:466:1-55326)



CAPUT V.

*Timoris altera soboles,
Iustitia.*

ALtera timoris divini filia Iustitia est. quæ pro Deum hominumque fidem! ubinam gentium, ubi terrarum reperienda? in curiis & tribunalibus, in pulpitis & cathedris, in aulis & caulis, domi, ruri, inter leges, inter arma quaerenda est. Ubi illa cum sorore Veritate non est, non est Dei timor, non est Dei amor. Sanctissima est, à paucis hospitio sulcipitur, humanissima est, & à paucis hospitali comitate tractatur, munificentissi-

244 DISCVRSVS VII.

ma est, & nullæ eidem grates referuntur, benigna est, mansueta est, laborum remuneratrix est, & à pluribus barbarè habetur: multi, quos ad honores evehit, ut præessent veluti Patroni, nasam mutilant, oculis privant, congiariis imprægnant, deturpant sordibus, ut ipsa sibi penè ignota vix agnoscat. Exurge saltem ultrix malorum Nemesis! exurge &ingere pœnarum plenum infernalium timorem, atque ultionem in tam sanctæ filiæ illusores & contemptores adorna. Agnoscat eam & populus, & Princeps, & Judex, & Sacerdos. Exhorrescant ab iræ, æternæque indignationis venturo iudicio hi omnes. Si exul
hæcte-

DE TIMORE DEI. 245

hactenus extorrisque fuit Justitia, revocanda est ab exilio, ut sit status tutrix, poenae & praemii distributrix, mali castigatrix, boni compensatrix: revocata pacem, honorem terrae, coelique favores & gratias conferet gubernanti. Perire vult, quicumque illam a suo dominatu exulare permittit. Qui malos mactat praemiis, qui bonos multat exilio, Justitiae inimicus est: qui linguam, scientiamque ignaros suis instruendis praeficit, qui bilancem aere, affectu, assentatione sic onerat, ut meritis iniqua pars praeponderet: ut coronetur bravo, qui dignus est laqueo, inimicus est Justitiae: qui stolidum consilio, mutum eloquio, meti-

culosum bello, depeculatore
ærarlo, provinciis depopulato-
rem, animabus mercenarium
præficit, inimicus est Justitiæ;
nec veritatem agnoscit, nec Ju-
dicem metuit, neque ulli Jus
suum tribuit: & quia isthac re-
rum administratione se Deum
non timere declarat, se perire
velle ostendit. Ad statum con-
servandum, ad officia distri-
buenda, ad substituendos, qui
populum dirigant, doceantque
ut Deum & Principem vene-
rentur, anxius est sæpè Magi-
stratus, & præclare se de repub.
meritum putat, si nepotes, si
quos eadem tulit patria, quos
paria aluerunt studia, quos vo-
luptas, quos assentatorum tur-
ba,

DE TIMORE DEI. 247

ba, quos corruptelis empti ad-
vocati proposuerunt, promove-
rit. Hinc Infule, Cathedræ, Cu-
riæ contaminantur: Hinc Ar-
chitalassi, hinc armorum, ur-
biumque Præfecti, Principes,
hinc Religionū Antistites, Pro-
vinciarum censores, Ærarii
phylaces, curarum focii, volun-
tatis interpretes, secretorum
custodes, Junonis consultores,
Jovis armigeri multi, multi ena-
ti, evocati, & educati cum ma-
gno rerumpub. in utroque foro
detrimento præsunt. Eccur,
quisquis es non metuis in ista
tua negotiatione & mercatu
penè sacrilego offensam Numi-
nis? cur non attendis veritatem?
cur non exploras habilitatem?

248 DISCURSUS VII.

cur non adhibes officiorum omnium æquissimam consultricem, fortissimam auxiliatricem, & justissimam dispensatricem Justitiam? certo certius, qui obligati in Justitiæ executionem non sedulò incubuerunt, ut Gigantes contempto cœli Rectore defulminati sunt, ad inferos detrudentur: quisquis es discas nō temnere, sed timere Deum, discas Justitiam venerari. Miser Arion in undas à nautis præcipitatus seriùs timere didicit: Non est, qui istâ injuriâ læditur, non est Cyclops, monoculus, Argo oculatior est, totus oculus est; non est sine robore, sine manibus, centimanus Gygas est: Orientem & Occidentem pugillo

DE TIMORE DEI. 249

gillo constringit , imò à tribus
digitis Orbem suspendit , tre-
mendus omnipotentia Rex se-
culorum, vindex scelerum, vitæ
& mortis arbiter, Judex, execu-
tor; coram quo Orbis universus
vix instar pilæ est, omnes gentes
instar stillæ roris antelucani, cu-
jus ad nutum mundi columnæ
contremiscunt & collabascunt,
cujus ad imperium interit Uni-
versum. Hunc time; & supplica:
Deus fortis, Deus immortalis,
qui mare & omnia creasti, Do-
mine Deus meus, qui facis vo-
luntatem timentium te, & cu-
stodientium mandata tua, da fi-
deli populo tuo timorem tui, ut
timeat à judiciis tuis, agnoscat
veritatem, & faciat æquitatem.